

**Meeqqat inuusuttuaqqallu angerlarsimaffiup avataanut inissinneqarsimasut inersimasunut ikaarsaarneranni ilisimasat tunngavigalugit periusissiamik UKA 2019-imi saqqummiussaqaarnissaannik Naalakkersuisut pisussaaffilerneqarnissaannik Inatsisartut aalajangivigisassaattut siunnersuut.**

(Inatsisartunut ilaasortaq, Mikivsuk Thomassen, Inuit Ataqatigiit)

**Akissuteqaat**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

**Aappassaaneerpeqarnera**

Aalajangiiffigisassatut siunnersuutip siullermeerneqarneranut atatillugu oqallilluartoqarsimaneranut Naalakkersuisut qujaniarput.

Taamatutaaq aalajangiiffigisassatut siunnersuummut Ilaqutariinnermut Peqqissutsimullu Ataatsimiititaliap isumaliutissiissutaanut, tassungalu atatillugu sulisimaneranut Naalakkersuisut qujaniarput.

Naalakkersuisut nuannaarutigaaq Ilaqutariinnermut Peqqissutsimullu Ataatsimiititaliaq isumaqatigiissup siunnersuutip taamatut isikkoqarluni akuersissutigineqarnissaanut inassuteqarmat.

Meeqqanut atugarliortunut, angerlarsimaffiullu avataanut inissinneqartarsimasunut suliniuteqarnitsinni anguniakkavut angussagutsigit inuusuttut inersimasunngoriartorneranni ikiorluarnissaat pisariaqarluinnarpoq - aamma 18-ileerpata. Meeqqanut inissinneqartunut suliniutit siunissami sunniuteqalernissaat qulakkiissavarput, inuusuttullu inersimasunngorlutik pitsaasumik peqqissuullutillu inuulernissaannut ikiorlugit.

Taamatut oqaaseqarlunga aalajangiiffigisassatut siunnersuutip akuersissutigiginissaa inassutigissavara.